



Prifysgol Cymru
Y Drindod Dewi Sant
University of Wales
Trinity Saint David

CYTUNDEB COFRESTRU AR GYFER MYFYRWYR PARTNERIAETHAU CYDWEITHREDOL

DIBEN Y CYTUNDEB HWN

Pan fyddwch yn cofrestru ar un o gyrsiau'r Brifysgol rydych yn cytuno i'r telerau a'r amodau a ddisgrifiwyd pan wnaethoch dderbyn lle ar y rhaglen. Rydych hefyd yn cytuno i gydymffurfio â Rheoliadau a phrosesau Prifysgolion fel y disgrifir isod.

RHEOLIADAU'R BRIFYSGOL

I gael gwybodaeth am reoliadau myfyrwyr, gweler: www.uwtsd.ac.uk/academic-office

Mae'r Brifysgol yn adolygu ac yn newid ei rheoliadau o bryd i'w gilydd i helpu i ddarparu addysg yn briodol. Mae'r Brifysgol yn cadw'r hawl i gyflwyno newidiadau yn ystod blwyddyn academiaidd ond bydd yn rhoi gwybod i fyfyrwyr am unrhyw newidiadau arfaethedig mewn da bryd cyn iddynt gael eu gweithredu.

Gallwch ofyn am gopi caled o'r rheoliadau hyn gan y Brifysgol os bydd angen.

DATA PERSONOL

Mae unrhyw ddata personol a ddarperir i'r Brifysgol yn gywir hyd y gwyddoch ac rydych yn derbyn mai eich cyfrifoldeb chi yw sicrhau bod data personol a gedwir gan y Brifysgol mewn perthynas â chi yn gyfredol. Rydych yn derbyn y gall y Brifysgol ddefnyddio eich data personol at ddibenion sy'n cyd-fynd â'i Hysbysiad i'r Comisiynydd Gwybodaeth ac y gellir defnyddio data ar gyfer cyfathrebu â chyn-fyfyrwyr ar ôl graddio..

Rydych yn deall eich bod yn cael eich annog i ddatgelu manylion unrhyw euogfarnau troseddol, ac eithrio mân droseddau moduro, neu unrhyw euogfarnau wedi'u disbyddu (fel y'u diffinnir gan Ddeddf Adsefydlu Troseddwy'r 1974).

Os cewch eich euogfarnu am drosedd wrth astudio cwrs sy'n ei gwneud yn ofynnol i chi gael tystysgrif gan y Gwasanaeth Datgelu a Gwahardd (DBS), rydych yn deall bod yn rhaid i chi hysbysu'r Brifysgol yn ysgrifenedig ar unwaith.

GWASANAETH DATGELU A GWAHARDD (Ar gyfer rhaglenni'r DU yn unig)

Os yw cael tystysgrif gan y Gwasanaeth Datgelu a Gwahardd yn ofniad gorfodol ar gyfer eich cwrs, rydych yn cadarnhau eich bod yn deall y dylech gael tystysgrif ddilys ar ddechrau'r cwrs ac y bydd ar gael i'r Brifysgol pan fydd galw. Eich cyfrifoldeb chi yw sicrhau bod y dystysgrif yn cael ei chadw'n ddiogel ac os caiff ei cholli, ei difrodi neu ei dinistrio byddwch yn cael tystysgrif newydd ac yn talu am un newydd yn ei lle ar unwaith. Rydych yn deall na chaniateir i chi fynychu lleoliadau heb dystysgrif ddilys.

Mae'r Brifysgol yn eich annog yn gryf i gofrestru gyda Gwasanaeth Diweddarau'r Gwasanaeth Datgelu a Gwahardd. Mae'r Gwasanaeth Diweddarau yn danysgrifiad ar-lein sy'n diweddarau eich tystysgrif gwasanaeth datgelu a gwahardd uwch ac yn caniatáu i gyflogwyr wirio tystysgrif ar-lein gan arbed amser ac arian i chi drwy beidio â gorfod gwneud cais am dystysgrif newydd gan y Gwasanaeth Datgelu a Gwahardd bob tro.

CANIATÂD CYHOEDDI

Weithiau mae angen cyhoeddi rhestrau o enwau myfyrwyr ar gyfer cyfathrebu mewnol, e.e. rhestr o fyfyrwyr tiwtora personol tiwtor. Rydych yn cydsynio i'ch enw gael ei gynnwys ar restrau a lunnir at y dibenion hyn.

DATGANIAD PREIFATRUYDD MYFYRWYR

Mae'r Brifysgol wedi ymrwmo i ddiogelu hawliau myfyrwyr yn unol â Deddf Diogelu Data'r DU 2018 (DPA) a'r Rheoliad Diogelu Data Cyffredinol (GDPR).

Mae'r Datganiad Preifatrwydd Myfyrwyr yn esbonio sut mae'r Brifysgol yn trin ac yn defnyddio gwybodaeth bersonol ac mae ar gael [yn https://www.uwtsd.ac.uk/data-protection/](https://www.uwtsd.ac.uk/data-protection/)

Mae manylion am sut y defnyddir data personol gan HESA ar gael yn Hysbysiadau Casglu Data HESA sydd ar gael yn www.hesa.ac.uk/about/regulation/data-protection/notices.

LLÊN-LADRAD

Rydych yn cytuno, pan fo hynny'n berthnasol, i'ch data personol gael eu defnyddio gan y Gwasanaeth Canfod Llên-ladrad at y dibenion a amlinellir yn 'Llên-ladrad - Hysbysiad Casglu i Fyfirwyr' sydd ar gael yn <https://www.uwtsd.ac.uk/media/uwtsd-website/content-assets/documents/registry/Plagiarism-Detection-Service.pdf>. Caiff copi electronig o'ch gwaith ei gadw ar gronfa ddata a'i ddefnyddio at y dibenion a amlinellir yn y ddogfen hon.

POLISI EIDDO DEALLUSOL

Rydych yn derbyn darpariaethau'r Polisi Eiddo Deallusol ar gyfer Myfyrwyr sydd ar <https://www.uwtsd.ac.uk/media/uwtsd-website/content-assets/documents/academic-office/agh-chapters/chapters---cy/Intellectual-Property-Policy-WELSH-updates.pdf> yn cytuno i ddatgelu unrhyw waith dyfeisio sydd ar y gweill neu Eiddo Deallusol arall sy'n berthnasol i unrhyw weithgareddau ymchwil y gallech eu cyflawni, gan gynnwys datgelu unrhyw drydydd parti a allai fod â hawliad i'r ED hwnnw. Rydych yn cytuno i gadw at y telerau cyfrinachedd a osodir gan noddwr trydydd parti o'r gweithgareddau ymchwil y byddwch yn ymwneud â hwy, ac yn ymrwymo i beidio â datgelu gwybodaeth gyfrinachol neu fasnachol sensitif y Brifysgol a/neu sefydliadau partner. Rydych yn cytuno i ddatgelu Eiddo Deallusol yr ydych yn ei greu mewn gweithgareddau ymchwil ac i wneud ymholiadau perthnasol i ofynion noddwr y prosiect ymchwil neu'r Brifysgol neu sefydliad partner y byddwch yn cymryd rhan ynddo. Rydych yn cytuno i ymrwymo i gytundeb ysgrifenedig â'r Brifysgol/sefydliad partner ynghylch perchnogaeth a defnydd eiddo deallusol yr ydych yn ei greu mewn gweithgareddau ymchwil.

DIGWYDDIADAU Y TU HWNT I'N RHEOLAETH

Ni fydd y Brifysgol, y sefydliad lle'r ydych yn astudio, na'i myfyrwyr yn atebol am unrhyw fethiant i berfformio o ganlyniad i ddigwyddiadau sydd y tu hwnt i'n rheolaeth (e.e. gweithredoedd natur, rhyfel, ymosodiad, gweithredoedd terfysgol, gwladoli, anghydfodau llafur neu fethiant hir trydan neu wasanaeth cyfleustodau hanfodol arall).

YMDDYGIAD CYFFREDINOL

Rydych yn cytuno i weithredu'n unol â'r Siarter Myfyrwyr <https://www.uwtsd.ac.uk/studentcharter/> a'r Cod Ymarfer Myfyrwyr <https://www.uwtsd.ac.uk/media/uwtsd-website/content-assets/documents/student-experience/Cod-Ymddygiad-Myfyrwyr.pdf>